



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

Circumcisio Domini. 1. Ianuarii.

urn:nbn:de:hbz:466:1-44055

J A N V A R I V S.
C I R C U M C I S I O D O M I N I.
I.Ianuarii.

O Ut ego te exoscular diem candidissimum ! ô sidus ! ô JESV Nomen ! Ite jam astrorum arbitri , dicere sanè fatalem hanc mihi stellam esse , horoscopum meum esse , ab hac vitam meam , vite studia , mortem , omnia dependere . Recte . Quidquid igitur agam , JESV auspice agam . Vigilabo ? in oculis JESVS erit . Dormiam ? JESVM somniabo . Ambulabo ? comes JESVS ibit . Sedebo ? latus claudet JESVS . Studebo ? JESVS erudiet . Scribam ? calamus cum manu JESVS ducet , & JESVS JESVM sribet . Orabo ? verba JESVS formabit , animabit JESVS . Fessus ero ? recreabit JESVS . Esuriar ? sitiari JESVS pascer , ille potabit . Egrotabo ? Amor aderit medicus , JESVS . Moriar ? JESV immoriar meo . JESVS supremis labris natabit . JESVS oculos claudet . JESV sinus mihi tumulus , tumuli inscriptio JESV nomen erit . Sed , heu mihi ! mi JESV ! Amor meus ! quid video ? quod si vitæ tuæ aurora tam multo cruento jam rubet ; quam largos imbres sanguinis in sero vitæ vespere dabis , ô Sol meus ! Heu iterum mihi ! ô MARIA ! ô Cynthia mea ! an palles ? dabis eheu ! etiam tu hodie pluias . Et ecce imbres lacrimarum ex utroque oculorum cælo ruentes . Time peccans adolescentia , tute hanc tempestatem dedisti . Cur enim hodie jam ad sanguinem iretur , nisi sceleribus tu quoque fores obnoxia . Ecce die octavo jam sævit culter tuus verè faxeus ! Sed disce ad infanda scelera , disce à cultro tuo erubescere . Disce vulnera agnoscere tua . Si nescis ,

nescis, ibi vulnus est, ubi emplastrum est.

*Sit tentaris à Diabolo, si ab omnibus hominibus oppri-
meris, si conficeris agritudine, si doloribus fatigaris, si
desperationis agitaris spiritu, nomen IESV edicito. Ju-
stinian.serm.de Circumcis.*

S. BASILIUS MAGNUS. 1. Januarii.

MAgnum esse BASILIVM ad ardentis columnæ facem D. Ephrem vidit. Magnum deinde ostendit *Christus ipse*, dum sacris operanti adesse spectabilis, cum sancto Duodecimvirorum cælestium senatu voluit. Sed & talem Hebræus non nemo credidit, cui profano adhuc, sacræ tamen mensæ accumbenti, cùm minimo in orbe magnum *Virginis Filium* è manu suâ propinasset, manus & ipse dedit. Magnum demum senserunt è maximis tyrannis duo. Horum alter Julianus (is qui turpe sibi apostatæ nomen peperit) orante contra se BASILIO, sententiam ferente Deiparâ *Virgine*, exequente D. Mercurio, orbi pœnas perfidiæ, quas meruit, dedit. Non felicior alter Valens, exilium Divo nostro nequicquam semel iterumque inten-
tavit. Nam sententiam impiam ferre jam cogitan-
ti, ipsum justius judice suo tribunal reclamavit,
sellâ diffractâ; & subscribere laboranti, penna atra-
mentum, quod habuit, tertium negavit: ipsa ma-
nus facere officiam noluit; certè ut non posset,
exaruit; conjunx filiusque ægri ad cogitatum sce-
lus nolentes etiam ingemuerunt. Et filius quidem
à magnâ BASILII manu convaluit. Cui cum Va-
lens pessimos superinduxisset mēdicos Arianos,
filius continuò malè mortuus est. At bene noster,
sub annū Christi CCC.LXXVIII. vixit BASILIVS;
vel hoc uno magnus magnique faciendus Parthe-
niis